

達士方密之先生以智桐城人也登崇貞進士官檢討負海內名明亡削髮改名宏智字無可號藥地和尙遍游名山不返所著有周易圖烹雪錄浮山全集

劉念庭

達士劉念庭先生伯淵慈谿人也由進士官至按察副使引疾致仕年百有餘歲先生自隆慶五年釋褐萬曆十六年歸家至崇貞十一年春秋已八十矣時危國變隱者猶存八秩自嘲詩足見其志詩云謂我歸田早假令不早有何好幾人欲歸不得歸黃犬東門添懊惱聞者高之厥後更名托空子遯入深山不見

道藏輯要

三丰全集 隱鑑

罌

續畢集七
川上八

張昊東

達士張昊東先生若義華亭人也崇貞癸未進士甲申以後潛身村野躬自灌園故友訪之則荷鋤戴笠相揖於紫瓜白苧之間破屋數椽淡如也或自稱爲寒松子

魏叔子

逸士魏叔子禧江西甯都人也明末諸生與弟禮結廬於金華之翠微峯偕隱不出公卿聞其名皆願見之弗往禮字季子遍游海內名山與叔子同居翠微常有雙鶴來伴云

劉欽爾

達士劉欽爾先生永錫大名魏縣人也舉崇貞孝廉授長洲教

諭明亡隱於陽澄湖廵撫欲薦之以疾固辭家貧衣食或不給處之泰然常自操舟鼓棹出至中流作歌歌竟而返望夕陽在山獨婆娑於煙樹之下

夏元貞

達士夏元貞先生道大名人也舉崇貞孝廉卽絕意仕進明亡率婦子入山耕績自食或操斤作紡車以鬻人愛其堅緻咸爭購之短衣行歌聲振林木間爲詩文脫稿卽棄去諸子讀書只令識字記數長則牧牛負薪溷其跡於煙霞焉

林明儁

達士林位旃先生明儁平都人也慷慨有志少時卽能爲詩古

道藏輯要

三丰全集

隱鑑

墨

續畢集七
川上八

文詞崇植甲申蜀陷闕部王應熊承旨討賊膺薦舉第一人授兵部職方司主事明亡不出順治間題授副使稱病不仕後舉博學鴻詞亦不赴結廬桐陰曠然自適隱居三十餘年嘗在平都請乩余偶臨其筆以鐵肝石膽四字所著有淡遠堂文集巴字園詩集梧桐居新集存世

清

黃太冲

處士黃太冲先生宗義餘姚人也受業於明儒劉念臺之門研究先賢之學以是從游者日眾康熙十八年都御史徐元文特薦於朝太冲以疾辭齋心危坐力掃外緣其著述上下千古穿